

Protocol no. 111**Sezzüda da lündeschdi, 29 avuost 2011 – 20.00 – 22.45**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Claudia Luppi (protocol)

Protocol

Il protocol no. 110 da la sezzüda da lündeschdi, 15 avuost 2011 vain approvà.

981 021 FABRICA
Jachen Andri Schmidt – Sistem fotovoltaic sül tet da la stalla e da la chasa- Pradè

Il Cussagl cumünal decida, in assenza dal schef da god Jachen Andri Schmidt, da dar il permiss pel intent manzunà aint il titul cun seguaintas cundiziuns:

1. Tenor la dumonda fatta buna ed acclusa al permiss.
2. Il permiss no. 2011-738 dal Chantun (BAB) es part integrala da quist decret.
3. Taxa da trattamaint da fr. 200.--.
4. Il quint dal Chantun per la procedura da BAB importa fr. 1'244.--.

982 021 FABRICA
Jon Carl Rauch – Sistem fotovoltaic sül tet da la stalla- Crusch

Il Cussagl cumünal decida, in assenza dal capo Jon Carl Rauch, da dar il permiss pel intent manzunà aint il titul cun seguaintas cundiziuns:

1. Tenor la dumonda fatta buna ed acclusa al permiss.
2. Il permiss no. 2011-737 dal Chantun (BAB) es part integrala da quist decret.
3. Taxa da trattamaint da fr. 200.--.
4. Il quint dal Chantun per la procedura da BAB importa fr. 1'244.--.

983 021 FABRICA
Jachen Zanetti – Sistem fotovoltaic sül tet da la stalla- Pedra Grossa

Il Cussagl cumünal decida da dar il permiss pel intent manzunà aint il titul cun seguaintas cundiziuns:

1. Tenor la dumonda fatta buna ed acclusa al permiss.
2. Il permiss no. 2011-736 dal Chantun (BAB) es part integrala da quist decret.
3. Taxa da trattamaint da fr. 200.--.
4. Il quint dal Chantun per la procedura da BAB importa fr. 1'244.--.

984 021 FABRICA
Tina Maria ed Arno Ritz – Sistem fotovoltaic sül tet da la stalla – Tufera

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

986 021

FABRICA

Mür Chasellas- Schlargiamaint via Chasellas – Decisiun a man da la radunanza cumünala dals 1. settember 2011

Il schef da fabrica orientescha chi nu saja stat pussibel da trattar a regard d'ün toc terrain per pudair realisar ün schlargiamaint da la via da Chasellas a man schneistra da la via. A man dretta da la via füss il possessur percenter pront da ceder amo ün toc implü da seis terrain, uschè cha'l schef da fabrica po preschantar ün'ulteriura varianta per schlargiar la via da Chasellas. Quista varianta prevezza da spostar il mür pro la chasa da sar Gian Lardi plü ferm e da spostar eir amo l'idrant ch'id es tenor plüs votums in radunanza ün impedimaint. Quista varianta gniss a cuostair bainquant daplü co la varianta preschantada a la radunanza dals 21 lügl 2011 e quai impustüt causa'l spostamaint da l'idrant.

Il Cussagl cumünal decida da suottametter a la radunanza dals 1. settember 2011 tuottas duos variantas sco tscherna. Il credit per la prüma varianta fingà preschantada s'amunta a fr. 45'000.-- . Il credit per la seguonda varianta cu'l spostamaint da l'idrant s'amunta a fr. 95'000.--

987 021

FABRICA

Lingia d'ota tensiun – spostamaint dal cabel – Decisiun a man da la radunanza cumünala dals 1. settember 2011

In connex culla fabrica da la garascha pro la chasa dad sar Andri Planta in Sot Pradè sto gnir spostà il cabel da la lingia d'ota tensiun. Quel spostamaint es chosa dal Cumün. Il Cussagl cumünal decida da dumandar a la radunanza dals 1. settember 2011 il credit da fr. 45'000.—per spostar il cabel.

988 860.610.02

Taxas d'attach, cabels e prestaziuns implü ten. art. 17

Müdamaint dal reglamaint da taxas – Decisiun a man da la radunanza d'orientazin dals 1. settember 2011

Sco protocollà fingià illa tractanda 977 dal protocol no. 110 dals 15 avuost 2011 pretendan ils attachs plü ferm per tscherts systems fotovotaics novs ün'adattamaint dal reglamaint da taxas. Il schef d'energia preschainta üna proposta da taxas d'attach per la furniziun da forza electrica elavurada insembel cun l'Energia Engiadina. Il Cussagl cumünal decida da preschantar quista proposta a la radunanza d'orientaziun dals 1. settember 2011. La tractanda gnarà suottamissa per la votumaziun a la cumünanza d'urna als 25 settember 2011.

989 935.410.01

Rechav chava Panas-ch Sura

Contrat da concessiun – Decisiun a man da la radunanza d'orientaziun dals 1. settember 2011

Sco protocollà fingià illa tractanda 953 dal protocol no. 108 dals 25 lügl 2011 sto il Cumün renovar il contrat da concessiun, la ledscha da deponia ed il contrat da dret da fabrica cun l'Uina SA. Il schef da planisaziun sco rapreschantant dal Cumün es repassà insembel culs responsabels da l'Uina SA ils novs contrats. Davo alch discussiuns sun gnüts fats tscherts agüstamaints. Il Cussagl cumünal decida da preschantar ils contrats e la ledscha culs agüstamaints fats a la radunanza d'orientaziun dals 1. settember 2011. La tractanda gnarà suottamissa per la votumaziun a la cumünanza d'urna als 25 settember 2011.

991 217.503.06

Sanaziun chasa da scoula

Concurenza da progets

Als 6 settember 2011 valütescha üna gürìa ils progets per la renovaziun da la chasa da scoula. Dals 6 – 12 settember 2011 sun exposts ils progets sün sala cumünala in Chasa Misoc. L'exposiziun es publica d'ürant ils uraris da büro.

992 020.311

Mobigliar e maschinas da büro

Copchader public pro l'entrada da la Chasa Misoc

La firma Ricoh ha fat ün'offerta a regard il copchader pro l'entrada da la chasa cumünala chi serva al public per far copchas. Quel contrat da servezzan scrouda e la firma Ricoh vuless renovar il contrat e rimplazzar il copchader tras ün nouv. Causa cha l'automat da munaida existent ch'id es collià cul copchader nun es plü probabel cumpatibel cul copchader nouv, vess il Cumün da cumprar o da tour a fit ün nouv automat da munaida per sfr. 2'390.— respectivmaing per ün fit da sfr. 597.60 l'on. La firma Ricoh fa implü sco alternativa l'offerta per cumprar giò il copchader existent per sfr. 400.--. Culla cumprita dal copchader vegl stu vess il Cumün surtour ils cuosts da toner ed eventuels cuosts da reparaturas plainamaing, l'automat da munaida existent füss pero cumpatibel. Causa cha la cumprita o il fit per ün oter automat da munaida paran fich chars, decida il Cussagl cumünal da cumprar il copchader vegl e da verer co cha la chosa as svilupa a regard ils cuosts da toner e da reparaturas. Ün contrat culla firma Ricoh pudess gnir fat eir amo plü tard.

L'actura :